

Mit't.en Kur.i In' Dula.r.kedea-Turuiak' Porbo

Dula.r.ia. Gate,

Amak' ses dhaō reak' kuklige acha ehop' ocoa.n'me: Ban', noare do in'ak' pa.tia.uge ba.nuk'a je mit' hor. do ina. somoerege aema ayoye dula.r. dar.eako. Asol do am "dula.r." reak' cet' maneyem lagaoet' onarege t.arhao akana. Judi mit't.en kur.aye "dula.r." kan khan, judi dula.r. do sukbhogjon' chad.a cet' ho~ ban' kan khan tobe khan do t.hikgem meneda. Menkhan "Sa.ri dula.r.", one okat.ak' reak' Baebele la.iet'kan ar am ho~m n'am akat' ona do eken jel reak' do ban' kana menkhan ontor reak' ho~.

Kha.t.ige ona ka.htuk dom bad.aegea : "Okat.ak' ontorre aema hor. la.git' t.ha.^i menak' onare mit' hor. moto la.git' do t.ha.^ige ba.nuk'a." Noa do sa.ri uta.rgea. Baljak' do mit' dhaoe menleda: "Noa biswa.sok' je bapla akadeyic' motoge jaoge dula.r.e do ban' hoe dar.eak'a noa kolpona sik osombhoggea je mit't.en banam raja do mit't.ec' mon'j seren' saman' la.git' aema okoc' sapap' ja.rur.aea." Laharen' beyanak'me leka je juri la.git' pura. lekate da.yik do eken mit't.en ayo la.git'gem dar.eak'a. Noa ho~m meneda je Baebelre do aema erajon' do ban' barona. Noa bisoyre Baebel do cet' lekae menet' ona selet' khub sabitate la.ilen khan nit nond.e d.her okte lagaokok'a. Eken khat.ote nina.k'ge ror. ocowa.n'me. Mare Nia.mre ho~ aema erajon'an a.n do ban' tahe~kana, menkhan chad. lekage hoe akana. Adam, Noah, Isa.hak', Josephteko do jotoge mit' erawan hor.ko tahe~kana ar onka leka joto na.biko ho~. Judire ho~ aema era reak' n'amok' kan khan onakore karontet' do d.hertet' ba.n'jhi obosthare. Jaehok Baebel do aema erajon'te okako osubita ar muskilak'ko menak' onako do bhage sa.bitteye uduk'akada-hiska., bhabna bachao begarkate ba.sut bhasate dosar era reak' mane do "repec'" kana.

Baebel do noa selet'e mak'na kan ina. eskar do ban'. Ona do bapla reak' sa.bik bhan.gaoe emok' kana one ona khonge abo do bhon'tet' n'am tot'jon' hoyok'tabona. Menedae, "Ona ia.te mit't.en hor. do ac'ren

en'gat apat ba.gia.kinte rinic'tet' t.hene jamar.ok'a, ar unkin (barea) do mit' jelkin hoyok'a". "Mit' jel" katha do nonka ho~ torjoma dar.eak'a mit' jivian, ar ho~ ona khon bes n'o~k' do "mit' hor.". Baplace herel ar maejiu ghuria.~ bar hor. dokin ban' kana, menkhan mit' kanakin. Baplate do bar hor. mit' jel nonkagekin hoyok' kana je nukin do mit' hoekatere ho~ ekar.hageakin. Bapla-hor. (juri-pa.ri) re bar bises hi~s menak'a, bohok' ar "ontor kund.i". Herel do bohok' khan ayo do kund.iye menogok'a. Banarge somange nui bapla-hor. (juri-pa.ri-ak' jibon la.git' ja.rur.a, nui bapla-hor. do begor bohok' se begor kund.iante jivet' bae tahe~ dar.eak'a se bar bohok'ante se bar kund.iante ho~ ban'. Eken mit' bohok'an ar mit' kund.ian hoyok' cahiye. Mane do noage je aemam erawanic' kan khanem amak' bapla do bapla kangea, menkhan am ar amren erako "mit' hor." dope ban' kana; ar ape jotoke mit'kate Isorak' "urga.n" do ban.gepe hoyok'a. Noage Isorak' motlob manwae sirja.ukedere tahe~kana: "Isor Ac'ak' urga.nan do manwae sirja.ukedea.....Isor reak' urga.nangeye sirja.ukedea; herel ar maejiugeye sirja.uket'kina." Aema erawanre bapla-hor. do ba.nuia one uni Isor hi~se bika.ukok'. Onkanak' baplate do Isorak' "pura.dula.r." oho a.rsi dar.elena, one oka do herel maejiu a.kinak' dupula.r.tekin sodoret'. Ekmatro mit' erawan baplage Isorak' dula.r. reak' doe goha dar.eak'a.

Amren gateko okako la.i akawat'me ona do eken pakka a.ur.iak' chad.a cet' ho~ ban' kana. Baplak' lahare sambar.aok'te okoe ho~ tis ho~ bae rua. akana. Ja.pit're ita. baherok' ho~ ja~ha~n rua. reak' cinha. do ban' kana, bickom onate do noage bad.aeok' kana je amak' hor.mo do sadharon ka.mi kana. Noako joto do Isorak' sirjon bhitri reak' kana je hor.mo okat.ak' ban' ja.rur.tae ona do ac'tet'ge od.ok baherok'a. Bas ina. kana. Noa danan're ja~ha~n osobhabik se ajana cet' ho~ ba.nuk'a. Ona upra.^tre, judi am do ja~ha~e man ta~ha~e kur.i sa~otem gitic' mit'len khan, Gurmi eman karon n'amjon' reak' maran' botorrem bolok' kana, ar ban'khan manobaigyanik lekate ma~yo botec'geam botorrem par.aok' kana. Onko okoeko metamkan je alo jemonem rual.k' se ona ka.mi selet'em niropon hor.kan porman la.git' ja~ha~e kur.iyem onkayege, onko do akoge besapr.ao hor.kanteko onkanak' bahanako n'amtot' akawana. Noa do kha.t.i bad.aekam je amak' okat.ak' hudistegi onkam sodora.n'kan se ja~ha~t.ak' kuklitegi in'tet' do bam tharbasao oco

dar_ea_n'a. In'ak' mon do tehen' onko aema ju_a_nko sec' da_ur_a_uk' kantin'a, okoe do mone monetoge kost_oko sak'hao kana ente akoak' muskilak'ante jibon khek'mao hoyok' kantako. Sanan' kana ja~ha~ lekate onko do uskurko n'amte onkan hor_t_hen akoak' mone reak'ko sodorkak' okoe do onkanak' selet' solhako em dar_eako. Ma_sire boeha lekagen' joharam kana. Uni kangeae Isorak' "pura_dula_r." reak' sa_bik na_muna do, arem ja~ha~e lekanic' kange dula_r et'megeae.

Noage

Boeha reak' dula_r johar selet'

gatetam

Mit't_en Kor_a Ar Rel Ga_d_i Reak' Golpo

Bargel pon (24) serma umer ren mit't_en kor_ae tahe~kana. Ado mit'dhao uni kor_a ar ac' baba do rel ga_d irekin dec' akan tahe~kana. Uni kor_a do janla ar_ere dur_up' akan tahe~kante janlate bahre sec'e koyok' bar_aet' tahe~kana. Ackage kikia_uate mengot'keda, E ba, mase n'elme joto dare na_r_i~ko tayom sec'ge da_r_et' kana. Noa katha an'jomte ac' baba do muluc' muluc'e landayedra ar ona ar_ere dur_up' akan barea juri pa_r_i ho~ uni kor_awak' ka_ituk kin n'elet' tahe~kana.

Arho~ mit' gha_r_i tayom ackage kikia_ukeda, E ba, ma n'elme, serma rimil ho~ abo sa~otege da_r_idiyeda. Ona katha an'jomte unkin juri pa_r_i do ar thir ba_kin tahe~lena, uni kor_a ren apat'kin metadea, cedak' amren gidra, do ja~ha~e mon'j d_akt.or t_hen bam n'el ocoedea? Ado uni kor_a ren apat' do landawate menkeda, N'el oco akadigea_n', nit do Haspatal khongelin' rua_r kana, in'ren gidra, do jonom ka~r_a~ kanae, tehen'ge me~t' marsale n'am rua_r akada. Onate tehen'ge

sanamak' nawate n'el reak' a.te n'am akada are n'el dar.eak' kana.

Sikha.una: Dha.rtire joto hor.ak'ge mit't.en ka.hni tahe~na. Onate Okoe ho~ bin bad.aete uni birudre ja~ha~nak' bica.r do ohoge t.hika. Pasec' sa.riak' ghot.na ame comkao dar.ekem.

Mit't.en Kur.i In' Dula.r.kedea-Mo~re~ak' Porbo

Dula.r.ia. gate,

Amak' cit.hin' par.haok'kan tahe~kanre, mit't.ec' Baebel reak' ka.li monere hec'adin'a, noa do aema dhaoten' an'jom akada, menkhan nitok' alan.ak' cit.hi capat.ijon' reak' gor.ote nawa mane in' n'ameda: "Botor ba.nuk'anan' dula.r.re do; bickom pura.dula.r. do botore od.ok gid.iyeda; ente botorre do sa.ja.i menak'a; ar okoeye botorok'kan, uni do dula.r.re pura.bae hoe akana."

He~k', ona do sa.ri kangea. Botor don' botorok' kan tahe~kanrege, ar sa.ri sa.rigen' la.iam kana, uni kur.i sa~oten' tahe~kan n'inda. do a.d.i kom ra.ska.n' a.ikauleda. Menkhanem bad.aea, arho~ tahe~kantin'a botor, one onate enhilok' onka ka.mi hoyentin' – botorena.n' judi pandere a.d.i okoc' ita.jarawan khan kha.t.igen' rua.k'a. Ja~ha~tis do n'inda. kukmu~te ita.n' ar.ak'et' tahe~kana. Ado in'ren gatekoko la.iadin'a je noa muskilak' khon ban'caok' reak' do eken mit't.ec' upa.i menak'a ar ona do ja~ha~e kur.i sa~oin' sukbhog. Am do noa reak' cet'em menkea?

Am dom sontor akadin'gea in're rakap'kok' aema erajon' reak' sana khon. Cet' ja~ha~e-man-ta~ha~ kur.iko sa~ote onka sukbhogjon' do ban.hoe dar.eak'te? Baebelre okare ho~ ol ba.nuk'a je alom erajon'a mente.

Noa cit.hire in' do in'ak' mon reak' oko danan' uta.rak' in' la.i

sodor akawat'mea. Asok'a.n' ja.nic' bam tharbasaok'a. Menkhan bad.aekam noa babot ja~ha~e sa~oin' galmarao onkankoge ba.nuk'kotin'a, in' go baba ma tho artet'ge oho ganlen. Ar d.akt.oris bid.a.u onare ma tho biswa.sge ba.nuk'tin'. Ale disomren d.akt.or do jao do sa.riak' do bako la.la.ia, ente ale or.ak'renko botorakoa ja~ha~ lekako cir.ha.u ocokok'a.

Amak' sombhuri n'utumte arho~n' gun marao joharam kana.

Amren pa.tia.r,

Gate

Mit't.en Ka.hu~ Ar Pajhar.

Mit' dhalo mit' hor. buru t.ot.hate dar.anne calaoena. Ado ond.e dar.ankan jokhen ackage mit't.en ka.hu~ n'elkeda, one okoeak' do banar pha.^kr.a.^k'ge ban' tahe~kantae. Ka.hu~ ak' nonkan dosa n'elite uni hor. do bogete bhabnayena are guna.nena pasec' okoe band.hej gidra.wak' ka.mi kan con' noa do. Are meneda, haere cando, cekate nui Ka.hu~ doe ud.a.uk'a? Ac'ak' jomak' ac'te bae jogar. khan cekate ban'caok'a? Tinre noa kathakoe guna.nok'kan tahe~kan t.hik ina. oktere mit't.en Pajhar. do t.hont.ate jomak' ger katet'e hec'ena. Ado Pajhar. lahare ten.goyente ger akat' jomak'e gid.ikeda are ud.a.u calaoena. Pajhar. ak' noa ka.mi n'elite uni hor. do artet'ge hahar.ayena. Onate hudisena, nonkage sisirja.uic' do ac'ak' sirjone ban'cao dohoe khan cedak' nuna.k' haron don' ka.mia? Tehen' khon cet'ge ba.n' ka.mia, unige jomak'e jogar.a.n'a.

Nonka menkate uni hor. do ka.mi ba.gikeda. Menkhan bar din paromen reho~ oka nakha khon ja~ha~n gor.oge bae n'amleda. Noa reak' karontet' bad.aejon' bakhra mit' a.kelan hor. t.hene senena. Adoe metadea, am do cet' barea ce~r.e~m n'ellet'kina? Mit' do Ka.hu~, one okoe doe akhamge ar mit' do Pajhar.. Am do cedak' uni Ka.hu~ leka hoyok'em menjon'

kana? Cedak' uni Pajhar, leka hoyok' ban' monam kana? okoe do ac'ak' jomak' ac'te jogar et'kan, ar okoe do bin jomte menak'ko onkan ko ho'e jom ocoyet'ko kan?

Noa ka.hni ren hor, lekage abo ad.epasere ho~ aema hor, menak'ko a okoe do jaoge et.ak' hor, cetanreko t.eha~do.k'kan. Onko doko hir.in'et' kana, nijete bam gor.o-gopor.ojon' khan, sisirja.uic' ho~ bae gor.owaea. Babar got.en ka.mi modre alga ka.mi la.git' hana nahwako a.nd.un'a. Tinre apnarte ban'caok' tahe~n la.git' jotowak' tebon kula.u ant.aok' t.hik un khonge abo do apnarte uni Pajhar, leka bon hudis gand.ona. Et.ak'ko ho~ ban'caok' tahe~n la.git' gor.owako hoyok'a.

D.an'gra Ar Ta.rup'

Mit't.en D.an'gra gha~se a.tin'kan tahe~kana. Ackage mit't.en Ta.rup' do uni hamla se jhapt.aokedea. Uni D.an'gra do a.d.i gha.r.ic' da.r.katet' jahan upa.i bae n'amlet'te pukhri re donkeda. Menkhan ona pukhri enege an'jet' akante losot' chad.a cet' dakge ban' tahe~kana. Note Ta.rup' ho~ D.an'gra tayom tayomte ac' ho~ pukhrire donkeda. Ado Ta.rup' ar D.an'gra do hot.ok' dha.bic' losot'rekin tha.liyena.

Khange Ta.rup' do ran'gaote menkeda, don reak' jaega bam n'amleda? Cetanrem tahan khan nitten' jomkema. Ma nit do bana hor.lan' gujuk'a. Ona kathate D.an'gra do muluc' ma.chi landawate menkeda, amren ma.lik menaea? Ta.rup' do artet'ge edrete mengot'keda, in' kangea.n' bir ren Raj, in'ren do okoe ma.like tahe~na. Ente in' kangea.n' bir ren ma.like ho~. D.an'gra kantem am dom nijorgea. Thor.a ghr.ic' tayomge Ma.like hijuk'tin'a ar nond.e khone rukhia, idin'a ar am doe dal goc' ot.okama. Ona katha an'jomte Ta.rup' do D.an'gra sec' lat.u n'o~k'e ben'get' hapekeda. Sa.rige a.yup' ber jokhen D.an'gra ren ma.lik do hec'ente Ta.rup' bar-pe dhal bohok'e dalkedete goc'keda. Ina.kate ona losot' khon D.an'gra or rakap'keda ar or.ak'e idikedea. Menkhan

Ta_rup' do ond_ege goc' tahe~yena.

Jos katha: Abo okoe do aboren ma_lik cetanre bhorsa menak'tabon, ja~ha~ lekan muskilge hec' par_aok' malik abone rukhia_bona. Menkhan ta_n'gi hoyok'a.

Mit't_en Kur_i In' Dula_r_kedea-Ponak' Porbo

Una_k' sor.a montem olakawadin' n'utumte arho~n' sarhaoet'mea. Noa do mit't_ec' cinha_n' bujha_ueda je in're amak' biswa_s menak'tama mente. Baebelre a_d.i hahar.a tula_na menak'a, nonka: "Moron leka dar_eanak' kana dula_r. do" (Seren'ko reak' Seren' 8:6). Dula_r. ar moron banarre noa do sadharon gun kante laha khon ohom laga bar.a dar_elea. T_hik ona ia_tege noakin banarge cakhae jemon temon khemota reak' do ban' kana. Hudisedam gujuk' cet' leka at_karok'em legakea losot' sik ja.pidte? Dula_r. cet' leka at_karok' ona do kor_a-kur_i jopot_edok'te bid.a.u at_kar cet'cet'ge bam at_kar dheja. Oka obosthare dula_r. cakha at_karok' ona obostha do a_d.i jadawa ar a_d.itet' juda_gea. Ar mit't_ec' et_agak' na_muna hataome : Monekore mit't_ec' parasut.em bid.a.u la.git', ado sa_r.im se usul dare cot. khon don la.git'em lomosorok'a. Menkhan pegel se pongel phut. usul do parasut. jhijok' la.git' ma kichui ban' kan; kajetege am do hot.ok'ge n'ur cowagok'tama. Tobe a_d.i aema hajar phut. usul ud.a.uk' jahaj khon dodon ja_rur.tama tobe anec' parasut. do jhijok'te nae napaeteye phed_mea ja~ha~nak' loksan ban' par_aoama. Dula_r. selet' ho~ t.hik onka kangea. "Bapla reak' cur_onto" at_kar lega bar.ae do bam dar_eak'a. Tobeanaec' ona reak' momon'gonak' ho~ rar.a ot.agok'a. Tobeanaec' amak' herel-maejiu on'so (sex organs), do motlobtet' leka ka_mi dar_eak'a.

Baplakate herel-maejiu ka_mi do ekal juda. obosthare hoyok'a. Ja~ha~n

ha.r.ma.^r.ba.nuk'a, tebak' ocok' botor ba.nuk'a, chapad.ao se bodnam
gid.i dapor.en' reak' botor ba.nuk'a, ona sompokte hor.more oka sabok'
ona reak' botor ho~ ba.nuk'a. Bickom ona upra^tre apan a.pinak' mone
ontor jhij la.git', bapad.aeok' ar hewak' la.git' tesnek somoe
n'amok'a ar onkate dula.r. selet' mit' bar ka.t.ic' ka.t.ic'
muskilak'ko ar har.yagar.ya oka pa.hil pa.hil a.ika.uk' onako ho~
cabak'a. Thik ma t.hikgem meneda je baplak' la.git'em sapr.aok' kana.
Menkhan nia, takre oka sanam khon ba.r.ti ja.rur. ona do amak' hor.mo
reak' herel-on'so selet' do ban' kana. Oka ja.rur.kan ona do
manobaigyanik se mon-mon reak' sapahop' kana – et.ak' kathate khan in'
mena bar hor.ak' mon-midok'. Baplak' jibonre ja~ha~nak' muskilak'
menak' khan, ona ja~ha~n ja.rur. do ban' kana je hor.mo reak' herel
on'sorege dos menak'a. Noako ma bapla lahare d.akt.orि ja~ctege sodor
dar.eak'a ar jut dar.ekok'a. Hape nahak', asol maran' karon do negen'
menket' leka manobaigyanik se mon selet'teak' sapahop' selet'
apaba.r.ia.k' kana.

Ja~ha~tis la.t.u band dol bak'namem an'jom akat'ko, etohop're cet'
leka sasap'ko reak' ra.r.ko mila.u pa.hil? Etohop're do pa.hil
ra.r.teak' pe~pr.e~t' sad.ek'a ina.kate behlako at tirioko juria. Onka
ban'kate judi bakya (cornet) ar d.ram oka ku~sia, ta.pis sad.ek'a,
etohop'len khan tobe a.k'yuric' do pe~pr.e~t', behla ar tirio sad.e do
ekalte ohoe an'jom dar.elea. Bapla ho~ noa band dol leka kangea. Mon
ontor reak' mila.uk' ho~ norom juta. sad. ear ta.^t sad.e leka; ona
tayom do ta.pis sad.ek' bakya (cornet) ar d.ram ta.pis bajna sik
herel-maejiu sorok' do. Baplak'em sapr.aok're etohop're noa norom
juta. sad.e, mon ontor reak' mila.uk'ge cet'jon' ja.rur.tama. Noage
tho pa.hil porthom training do. Menkhan am tho noa do bam onkayeda
jokhon ja~ha~e man ta~ha~ kur.i t.henem sorok' kana. Nonkate ma amak'
mon ontorgem ka.t.hua. ocoyet'. D.ram sad.e do tirio sad.eye lot.om
leka am ho~ apnarteg'e at.kar dar.em goc' ocoyeda. Asolre do tobe cet'
reak'em botorok'a amak' herel-on'so ban' benao rakabok' do ban',
menkhan dula.r. ban'-benao-rakabok'ge. Baplak' la.git'em sapr.aok'
kana begor dula.r.teak' herel-maejiu reak' jopot.edok' dharate, toben'
mena asolre do bapla reak' eken mit' bar kistitet' bahre bahretem
nok'ol kana. Am do noa herel-maejiu jopot.edok' ka.mi do misin reak'
ka.mi lekam bujha.ueda, janwar dhara reak' leka, cedak' je amak' mon

tho ban' tarkok' kana. Ona jothat at karok', metak'me, "In'" reak' phut.a.uk' "am la.git'", ona dom pa.sur.ok' kana ar hoyok' la.gidok' amren ba.hu am khone asjon'kan bhage sa.^hi^tte pura.puri khon apnarem akot.ok' kana.

Cet' ja~ha~tis monere rakap' botec' akawat'mea je bapla lahare noa ba.r.ic' ka.mirem copaolen khan amre nonkan sanae hoe ocoea je ha.ni nha.i sa~o onkam ka.ituk, juda. juda. rokom reak'em cakhae one okakote laharege amak' darakan bapla do mu~hinre par.aokok'? A.d.i ba.r.ic' hewa sudha. hoekok'tama one oka do tayomte ba.gige ohom ba.gi dar.ele. Amak' ona ka.mi-dar.ere a.d.i muskil ak'kot.ak', je leka sanatet'ge t.hand.a cabak', hoe dar.ekok'a ar amak' bapla jibon ha.^s ra.ska. do ma.t.ire mila.ukok'a. Past.or hu~ya~te ja~ha~tis in' do bapla akan hor. muskilre par.ao akanko solhawako la.git'in' diloi ocok'a, onkan takre onkoak' muskilak' reak' gond.a do ekalte bapla laha kor.a ar kur.i apan a.pin cet' lekan jibonkin bik'ta.u kan tahe~kan ond.e ha.bic'in' pan'ja tiok'eda. Uni kor.a okoe d.a.n'gua. bida.lre apnar sambr.aok' bae cet'an, baplakate ho~ ona do ban'geye cet' dar.eak'a; onatem n'el dar.eak' kana je amak' mamla ho~ bapla tuluc' jor.aogea. Mit' lekate do am do amren darakan ba.hu cet' com er.an ocoyea na~ha~k', cahe nitok' uniye okoet.ak' kan a.urim bad.ayere ho~, menkhan kha.t.ige aben bana hor.ak' ha.^s ra.ska. do khatrarem par.ao ocoyeda.

Dula.r.ia. gate, komte kom mit't.ec' dom bujha.ua, In' do amak' ra.ska. bhan.gaotam do ba.n' menjon' kana, bickom am rukhia.me sanan' kana jemon noa jibon reak' sanam khon soros uta.rak' ha.^s ra.ska. lahare alom kharap gid.ikak'. Judi naran'gi bahatet'gem sit'le khan ona reak' jo do ohotet'gem cakha a.ika.ulea. Onate do alom bujha.ua je ja~ha~nak'in' recc'et'mea mente, menkhan kha.tirjoman' emam kana je mon purun noa reak'' kur.a.i dom n'ama hapen.

Acha in' ho~ amak' Aphrika disom reak' ka.htuk reak' jobab in' emama: "Mit't.en kisa.^r. jut.ujok'a mentem lega a.isa.nkat' ta~ha~ma artet'gem d.in'gra. dapor.en."

Boeha reak' dula.r. johar selet'

Mit't.en Kor.a Gidra.

Mit't.en kor.a gidra.i tahe~kana. Uni do gidra.umere tahe~kanrege en'gat'tet' doe goc' ba.gi akadea. Ona ia.te ac' ka.ki t.henge tahe~kana. Engat'tet' ba.nuite uni gidra. do okooge thor.a ho~ bako egerea. Ka.kitet' do a.d.i a~t.e dula.redekan tahe~kana. Mit'din uni gidra. do Iskul khon mit' gateak' kolome kombr.o a.guket'te ac' ka.ki uduk'adea, menkhan ka.kitet' do ja~ha~n eger se mit'bar katha ban.bakhe~r.kate boron'e sarhaokedea. Onkage arho~ mit'din uni gidra. do ac'ren gate ak' or.ak' khon an'rop' kombr.o a.gukate ka.kitaeye emadea, ka.kitet' do ona n'utumte arho~ ba.r.tiye sarhaokedea.

Nonkage n'el n'elte kor.a gidra. doe hara buru metak'me juanena. Harayen khane arho~ ba.r.ic' hor sec'ge tar.amkeda, ka.t.ic'-la.t.u joto lekan jinis kombr.o dhura.uen. Ado mit'din kombr.o jokhene sap'n'amena. Ado unia.k' bica.r do adalot re hoyen khan jiwi t.ont.a se gujuk' reak'ko hukumkeda. Ado idi lahareko kulikedea, amak' ja~ha~n sana menak'tama? Menak'khanem la.i sodor dar.eak'a. Note ka.kitet' ho~ uniak' gujuk' sa.ja.i an'jomte bogete moca bet'kate hu~k hu~ke rak'eda. Ado calak' lahare uni kor.a doe menkeda, he~ menak'tin'a, thor.a in' ka.ki sa~oin' ropor.a. Ona menket' torage ac' ka.ki t.hene senena ar luture gerketaete metadea, ka.ki am karontege tehen' in'ak' nonkan dosa. Pa.hil khonge ba.r.ic'ak' khonem or rua.r.lin' khan nonkan gujuk' dosare ohon' par.aokok'a.

Sikha.una: Hok-behok se bhage-ba.r.ic' ka.mi babotre gidra.ko do ka.t.ic' khonge sikhna.t se cecet'ak' emako hoyok'a.

Mit't.en Kur.i In' Dula.r.kedea-Tesar Porbo

Dula.r.ia, Gate,

Amak' cit.hi set.er akawadin'a. Ona n'utumte aema gunman johar. Upka.rin' manaoet'tama je am do bam ba.gi gid.iyedin'a. Khub kajakge gun-abgunem saben' kana menkhan gor.o ho~m gor.oan' kana. Khubge ra.ska.n' a.ika.ueda am do nonkan hor.in' n'am akat'mea okoe t.hen do phan'ka phayar.gen' ol dar.eak', menkhan an.goctege hoyok'tin'a je am okakom metan'kan joto do ba.n' bujha.u sa.biteda. Ja.sti do cit.hi reak' ses sec're okam men akat' onaten' bhar.ok' kana.

Judire ho~ in'ak' ka.ituk reak' asol motlob tahe~kan khan ona do kha.t.i uta.rge mit't.ec' ra.ska.wanak' bapla la.git' sapr.aok'ge tahe~kana. Menkhan nitok' do t.hik ona reak' ult.a.ugem la.ia.n' kana. Mit't.ec' in' kulijon' kana, mit' hor. begore cet' lahaete cekateye bad.ae n'ama? Cekateye ceda begore bid.a.u pa.hilte do? Cet' aleak' chemistry ar physics klasre bale onkayet'te?

Ale pa.rsire mit't.ec' ka.htuk nonka menak'a: "Sendra calak' lahare sikria. do ac'ak' t.hent.aye laser mar.an'a. Baplak'te cet' lab menak'taea ler.osia.yic' do; laha khon ac' hor.mo reak' herel khemota bhage sa.hi~tte bae eto bhawa~rlet'tae khan? Cet' arho~ botor do ba.nuk'te belar.car.ge ona hor.mo hi~s tahan khan enka ret.heage tahan reak' botor do ba.nuk'te? In' okan' menet' ona dom bujha.u dar.eak' kangea tho? Asok' ka.na.n' ar mit' dhal ror. rua.r.a.n' la.git' somoe hoyok'tama.

Noage

Amren Biswa.si

Gate

Mit't.en Lelha Hor.ak' Golpo

Mit't.en lelha hor.e tahe~kana. Ato-t.olaren sanam hor.geko bad.aekan tahe~kana nui do a.d.itet'ge lelhagea. Uni do mit'din ha.t.i.a.te Merom kirin'e senena. Ado senkate Merom a.khrin'ic'e kulikedea, nui ka.t.ic'macha Merom ak' dam do tina.k' paraok'a? Uni hor. ho~e bad.aekan tahe~kana je, nui doe lelha machagea onate metadea, pongel (40) hajar paraok'a. Unre uni hor. doe mengot'keda, nui ka.t.ic' Merom ak' dam nuna.k' t.aka cedak'? Khan a.khrin'ic' doe metadea, ente nui Merom do n'elok'te ka.t.ic'ge reho~ joto mahna se cando reak' n'utume n'um dar.eak'a! Ado Merom ma.lik do Meromak' dea cet.ak'got'ket' torage Merom do May May rarak'e dhura.uen, adoe metadea n'elkedam et.ak' Merom ko khon nui do t.hor.ae dosra machagea, cet'leka mahna se cando reak' n'utume n'um dar.eak' kana.

Ina.kate uni lelha hor. do harephare kirin'kedete or.ak'e idikedea. Or.ak' calaokatec'e hudisena nui Meromtege ba.r.ti t.akan' arjaoa, cedak'je hor.ko saman're cando reak' n'utumin' ror. ocoea ar nonkate t.akan' n'ama arin' kisa.^r.ok'a. Un jokhen uni hor. do uni Merom hor.ko saman're January cando reak' n'utum ror.e metadere, Merom do kha.li ghane ghane May cando reak' n'utumge la.ieda. Ona an'jomte ato-t.olaren sanam hor. landawaeko ehop'ena. Ado un anec' uni lelha hor. doe andajkeda, sa.rige Merom ma.lik se a.khrin'ic doe er.e akadea mente.

Nond.e khon noa cecet'ak' bon n'amkea je, ja~ha~nak' ka.mi lahare pa.hilte mon'jte guni bha.bi, hudis gand.on ar bujha.ukate ka.mi hoyok'a.

Merom Ar Toyo Ak' Sikha.una Golpo

Mit'din mit't.en Toyo kun' re n'urena. Ado a.d.i muruke kurumut.uket' reho~ kun' khon ban'ge rakap' dar.elena. Ina okterege mit't.en Merom do dak' tetan'kedete ona kun' sec'ge calao idiyena. Ond.e hec' soren khan bhitrire Toyo n'el n'amkeda. Khane kulikeda, bhitrire n'ui leka dak' menak'a se bana'. Unre Toyo do ac'ak' ona muskil ghur.i reak' katha okokate a.d.i muluc' ma.chi landawate nana parkante kun' dak'e sarhaokeda. Ar nonkae menkeda, "Noa kun' reak' dak' do a.d.i sebel, ad.epase okare ho~ nonkan dak' bam sendra n'am dar.eak'a. Ma phed.ok'me ar mon tirpit bhor dak' n'ujon'me.

Toyo ak' her.em kathate Merom do harephare kun're don khan'joyena. Dak'e n'u biyen khan Toyo sarhaokeda. Un jokhen Toyo do kun' bhitirekin jha.li akan kathae la.ikeda. Onate ona muskil dosa khon ruar. hijuk' lagit' Merome Metadea, "amak' banar jan'ga kun' bhitre dohokate sujhite ten'gonme, end.ekhan amak' deare dec'kate cetanin' rakabok'a. Ja~ha~ lekaten' rakap'lenre am ho~n' rakap'mea. Merom do begor hudis gand.ontege usa.ra uniak' katha lekage ra.jiyena. Toyo do Merom ak' deare dec'ena ar algatege uniak' deren're sap' uruc'ente kun' bahre don od.okena. Adoe od.oken torage thora ho~ bae bilomlet'te ond.e khone da.r. pharakena. Uni n'elite Merom doe mengot'keda, cedak' sorto dom ra.put'keda? Toyo doe menkeda, haere lelha, hor.more tina.k'gan up' menak'tam ina.gan bohok're bud tahe~lentam khan rakabok' reak' hor. a.uri n'el jutre ohogem donkea. Ona muskil khon rakabok' reak' ja~ha~n upa.ige ba.nuk'tama, am nijetege ona muskil dosarem don khan'joyena.

Sikha.una: Ja~ha~n ka.mi laharege hudis gand.on se guni bha.bi kate lahak' hoyok'a. Ente soetan ak' ca.l colon bad.ae bad.aekatet' reho~ uni bhorsawaekan hor. do muskil dosare par.aok'gea.